

Aprobado polo Pleno da Corporación de data vinte e sete de maio do ano 2004.

Publicado no BOP núm. 228 de data un de outubro do ano 2004.

AXUDAS PARA A INSERCIÓN SOCIAL- EMERXENCIAS SOCIAIS

FUNDAMENTACIÓN LEXISLATIVA:

O Concello de Arteixo, asumindo as competencias que establece o Artigo 25.2 K da Lei Reguladora das Bases do Réxime Local e seguindo o establecido no Artigo 80 da Lei 5/1997 de 22 de xullo, de Administración Local de Galicia e nos Artigos 4 e 8.3 da Lei 4/1993, do 14 de abril, de Servizos Sociais da Comunidade Autónoma de Galicia, procede a establecer a normativa que establece a regulación básica das prestacións para a Inserción social-Emerxencias Sociais destinadas a persoas ou familias que se atopen en situacións carenciais.

Artigo 1º .-DEFINICIÓN

A axudas para a inserción social-emerxencias sociais constitúen unha prestación económica ou en especie de carácter urxente e extraordinario, destinada a paliar situacións carenciais e transitorias imprevistas ou excepcionais, así como para previr o agravamento das mesmas.

Artigo 2º.- AMBITO DE APLICACIÓN

A presente normativa regula a concesión e tramitación das axudas ás persoas residentes no Concello de Arteixo que cumpran os seguintes requisitos:

- a) Acreditar unha residencia no Concello de Arteixo con unha antigüidade mínima de 6 meses, como norma xeral.
- b) No caso de emigrantes retornados, non é preciso acreditar esta antigüidade
- c) Persoas ou familias derivadas por outros Centros de Servizos Sociais.

- d) Transeúntes para sufragar gastos de aloxamento e manutención durante 1 día. Os casos de aloxamento entenderanse excepcionais, cando sexa por motivos de enfermidade ou de forza maior.

Artigo 3º .- BENEFICIARIOS/AS:

- a) Poderanse beneficiar destas axudas as persoas individuais ou unidades familiares no mesmo domicilio. Entendemos por unidade familiar o núcleo de convivencia, composto por dúas ou máis persoas vinculadas por matrimonio ou outra forma de relación estable análoga á conxugal, por parentesco de consanguinidade ata o segundo grado e por afinidade ata o terceiro grado.



- b) Na unidade familiar tan só unha persoa pode ter a condición de beneficiario, aínda que se outorguen en beneficio da unidade familiar
- c) Poderán ser titulares do dereito e nos límites económicos que permitan as consignacións presupostarías as persoas que reúnan os seguintes requisitos:
- c.-1) Ser maior de idade ou menor emancipado con cargas familiares
 - c.-2) Carecer de ingresos anuais inferiores subsidio por desemprego que se fixe anualmente, incrementado nun 10% por cada un dos membros da unidade familiar. Para efectos do cómputo dos ingresos para o recoñecemento da prestación, terase en conta a base impoñíbel da derradeira declaración da Renda das persoas físicas, previa aplicación ó mínimo persoal e familiar do imposto; e cando non sexa obrigatorio realizala, acreditará

ingresos anuais inferiores ao límite establecido a través de nóminas, certificados do INEM, certificados da Seguridade Social sobre vida laboral ou percepción de pensións, certificación de xuros bancarios ou derradeiros movementos bancarios e calquera outra que se considere necesaria para a acreditación dos recursos económicos familiares

c-3) Poderanse beneficiar destas prestacións os/as transeúntes, os/as estranxeiros, os/as refuxiados, os/as asilados e os/as apátridas

Artigo 4.- DO COMPUTO DOS INGRESOS

Para os efectos ten a consideración de ingresos a suma da parte xeral máis a parte especial da base impoñíbel, previa á aplicación do mínimo persoal e familiar do Imposto sobre a renda das persoas físicas

Entenderanse como ingresos da unidade familiar os recursos económicos de todos e cada un dos membros da unidade familiar do seguinte xeito:

- a) Ingresos do titular do dereito e cónxuxe o 100% dos ingresos
- b) No caso da existencia doutros familiares, segundo o expresado no artigo 3º a), computarase o 50% dos mesmos.
- c) No caso de existencia de propiedades de natureza rústica ou urbana estudarase en cada caso segundo as posibilidades reais de alleamento, aluguer ou calquera outra circunstancia que poida concorrer.
- d) No caso de existencia de recursos dinerarios depositados en contas bancarias, teranse en conta os xuros retribuídos e computarase asemade o 60% da cantidade depositada.
- e) Para o cómputo final dos ingresos descontaranse os alugueres, sempre e cando non superen 240€ ao mes, as hipotecas das vivendas sociais e o 50% do pago da hipoteca da vivenda habitual

Artigo 5.- FINALIDADE

4.1.-Estas prestacións tenderán a cubrir a financiación total ou parcial dos seguintes gastos:

- a) Situacións de ingresos insuficientes, caracterizados por unha situación temporal de insuficiencia de recursos económicos para cubrir as necesidades primarias
- b) Situacións de necesidades provocadas por catástrofes, epidemias, intoxicación caracterizadas por unha dificultade de satisfacer as necesidades primarias debido a un acontecemento de carácter imprevisto e excepcional que impida cubrir as por medios habituais.

4.2.- A valoración das situacións anteriores virán á súa vez determinadas en función dalgunhas necesidades sociais e con carácter xeral serán as seguintes:

- Nutrición insuficiente
- Carencia de vestimenta básica
- Gastos de medicación
- Integración social
- Problemática da vivenda
 - Catástrofe ou accidente
 - Impago de aluguer ou subministro (os casos de hipoteca serán valorados naqueles casos que supoña a perda inminente da vivenda)
 - Condicións de habitabilidade inadecuadas
 - Barreiras arquitectónicas

Artigo 6.- CONTÍAS

Establécense como norma xeral as seguintes contías:

- ✓ **Alimentación:** Tres meses consecutivos ou ben unha vez cada dous meses ó longo do ano.
- ✓ Establécese unha contía de 50€ por persoa incrementándose en un 15% por cada un dos membros da unidade familiar, ata un tope máximo de 200€
 - **Leite maternizada:** Tres meses consecutivos ou ben unha vez cada dous meses o longo do ano ata un tope máximo de 300€
- ✓ **Vestuario básico:** 150€ ó ano, sobre todo cando os beneficiarios sexan menores.
- ✓ **Medicación:** 3 meses consecutivos ou ben unha vez cada dous meses ó longo do ano ata un tope máximo de 300€
- ✓ **Gastos de vivenda:** O importe total que en ningún caso excederá de 240€ no prazo de 1 ano.
- ✓ **Impago de subministro:** Ata un tope de 150€ no prazo de 6 meses.
- ✓ **Condicións de habitabilidade:** Ata un tope de 300€ no prazo de un ano.
- ✓ **Barreiras Arquitectónicas:** ata un tope máximo de 900€ no prazo de 3 anos.

- ✓ **Bono- bus:** Para asistir a tratamentos rehabilitadores de toxicomanías, ata un máximo de 2 anos, prorrogable nun ano en casos moi específicos e que a situación socio-sanitaria informada polo centro rehabilitador o considere imprescindible. En caso de desprazamentos fóra da Comunidade Autónoma o importe do billete ata un máximo de 150€, e como máximo 2 veces nun período de dous anos, ata un máximo de tres axudas.

Para o primeiro mes de traballo ou ben inserción socio-laboral o custo real ata un tope de 150€ desprazamento fóra da bisbarra da cidade.

- ✓ **Axudas para o pago de actividades socio-culturais:** que sexan precisas para a integración social, ata un tope de 100€ ó ano.
O tope máximo por tódolos conceptos anteriores non superará 750€ ó ano.
- ✓ **Becas de libros e material escolar** de acordo co seguinte cadro:

Establécense as seguintes axudas:

Educación Infantil	Educación primaria	Educación secundaria
60€, por fillo ata un tope máximo de 180€	90,15 por fillo ata un tope máximo de 300€	90,15 por fillo ata un tope máximo de 300€

Artigo 7.- OBRIGAS DOS/AS BENEFICIARIOS/AS

Os beneficiarios/as destas axudas terán as seguintes obrigas

- A destinar as axudas para o fin que foron outorgadas
- A permitir e facilitar a labor das persoas designadas para verificar a súa situación familiar e económica
- O cumprimento das condicións que poidan establecerse ou acordarse na concesión das prestacións, para que poidan superala súa situación de necesidade
- Escolarizar os menores que se encontren en idade escolar obrigatoria

Artigo 8.- INCOMPATIBILIDADES

Non se poderá ser beneficiario simultaneamente de máis dunha prestación para a mesma finalidade, calquera que sexa a administración pública ou privada outorgante. Poderán concederse axudas cando as prestacións económicas dos outros servicios ou administracións non cubran a totalidade do importe da prestación

Así mesmo poderanse anticipar as axudas concedidas por outras administracións que a/o beneficiaria/o outorgue o seu pago posterior ó Concello de Arteixo.

Artigo 9.- DA TRAMITACIÓN

O interesado en obter unha axuda das reguladas no presente Regulamento deberá presentar a correspondente solicitude perante o alcalde –Presidente do Concello, achegando coa mesma a documentación que xustifique a súa situación carencial.

Recibida a solicitude nos Servizos Sociais do Concello emitirase o correspondente informe-proposta, no que se valorará debidamente a situación acreditada documentalmente e se cuantificará o importe da axuda.

Unha vez completo o expediente e remitido o correspondente informe, logo da fiscalización da intervención municipal, será presentado perante o Alcalde-Presidente ou, por delegación, perante a Xunta de Goberno Local, para que sexa dictada a correspondente resolución.

Sen prexuízo da tramitación recollida nos párrafos anteriores, a coordinadora de Servizos sociais poderá aboar a axuda , unha vez emitido o correspondente informe-proposta, mediante a utilización do anticipo de caixa fixa disposto para tal fin, consonte co disposto nas Bases de execución do Orzamento e na resolución pola que se autorizou a constitución de dito anticipo.